

OTUTA AGEYITEMA VELE 'BANI OMVE INSUARENSI RU RI

1. GERI MINI TAMBAZA DRILEONZI DRIRI 'BAZO MI AGIRU RI

1) Ifini:

Insuarensi eri otuta mini robia azi ofezu amutini ('bani omve premium ru i) yini ecozu mini robia fezu mivele afa azi ka l eza, 'ba ka mi afa ogu, azo ka mi bi kaniku ika drile onzi isu, geri ageyi temaru ri l geri ageyi tema fezu ri i. Ika vini dra, amuti 'dini nga mivele 'ba akua 'diyini robia azi fe. *Otuta 'dini vini robia ofe ecetasi ika 'ba azi asi motokasi, amuti 'dini agu 'dani robia ofe. Mi eco insuarensi ayu mi azakozu e'yo ecapi mima dria ewaru 'diyi ma azakozu. Te le ini ra kini insuarensi ni lu mi arii ika amuti 'di ofe mi ariizu e'yo 'dalenika l'ye mi 'beria. Ecetasi, ika amuti 'diyi ni robia fe mi ofezu sawa mini drile onzi isu zuria, ika drile onzi isu, yi nga mi ofe ra. Te aci ka mivele jo ve, 'ba ngani mi ofeku.*

Azita kini, amuti ageyi tema veleri ma ofe 'ba afa avipi 'diyi de o'du 60 alikini nga ku kanisi de e'yo azi emi eselea amuti 'be yo ka.

Azita/ayota kaniku afa 'ba ni omve ogara'ba tisi **policy ru** mini dri tizu amuti agayi tema veleri be ri ni mini e'yo ndundu amuti 'dini ngazu mi ofezu vini geri amuti 'dini ngazu mi ofezuri ece. Amuti 'dini mi azako e'yo ogu velerisi, aci ka mivele afa ve, azosi, sawa mini drazu ria vini mivele motoka ka 'ba azi si. Ika amuti azi 'dile 'diyi ai mi ofezu e'yo 'diyi kaki yi 'ye mi be ria ra, yi nga mi ofe ra. Te ika yi ofe e'yo ndusi, ngakini mi ofe ku.

Boloka insuarens veleri **kaniku agu emi ecipi amuti 'dile 'diyi pie ri** eco mi azako azakoza mukeri pezu ra. Eri vini azi eri ni 'ba ndazu emuzu azakoza amuti 'diyi veleri ayuzu. Ika di amuti mini le ma ko mi azari isu 'bo, eri aje nze mini amuti nderi 'be, azakoza fezu. Mi eco e'yo oni drile amuti insuarensi vele 'diyi ma dria engazu amuti ambu 'ba ni omve Insurance Regulatory Authority of Uganda (IRA) ru ri vu geri andreleru 'diyisi.

Poloti 5 Kyadondo Road

Gorofa irizuri-a Block B Legacy Towers-a

Sanduku Namba 22855 KAMPALA

Simu: 256-414-346712/

256-414-253564/0312-266364

Fax 256-414-349260

Email: ira@ira.go.ug

Website: ira.go.ug

2) Insuarens ma esele 'dinile:

- **Insuarensi edri ma dria** otuta 'di 'ba alu ma eselea amuti insuarensi ni ri 'be. Ika dra 'bo, amuti ni mivele 'ba akua 'diyini robia fe yima azakozu.
- **Insuarensi azo ma dria** ri ni azo ndundu emini ai amuti 'di ma ofe 'diyi ma azako. Ika le 'bama ofe mi azo azisi, le 'ba ma si waraga mini dri tizu driniaria ra. 'Ba ka si ku, azo nde ka mi bi, 'ba ngani robia azo nderi atizuri ofe mini ku.
- **Insuarensi afa ma dria-** 'Di ni mini robia ofe mivele afa kaki yi ezaria. Ecetasi mivele jo ka ve acisi, kaniku mivele motoka ka drile onzi isu, amuti insuarensi veleri ni nga mini robia ofe afa 'diyi ma tia ika andra eyi si waraga insuarensi veleri ma alea raria.
- **Insuarensi drile onzi veleri** ni mi ofe 'ba azi nga'ba mivu 'diyi kaki drile onzi azi isu azi paria vini azi ma sawasi kaniku ika 'ba azi ma afa eza ria. Ecetasi, jo mini siri ka e'de 'ba josi'ba 'diyi ma dria, insuarensi ni nga robia 'ba 'diyi jizu arojoa ri ofe dika yi nga afa yi ezapi sawa jo 'dani edezurisi 'diyi ofe indi.
- **Insuarensi acota veleri-** amuti 'di ni mini robia ofe ika mivele azi avi acosiria. Yi mini robia fe mi azakozu a'dusiku mi econi di azi nga mi atizu okurile ku.

- **Insuarensi aci veleri**-Ika ovu aci 'be, azo ka mi bi kaniku ika mivele aci-pa ece e'yo mini eco azani kokunisi, amuti ni mi ofe ra.
- **Insuarensi sawa were si ri-eri** mi azako ika mu aci alia 'diyi ma alea ecetasi ika mu avita avi olaya wiki alu, eri mi ageyi te, ika ani e'yo azi isu, eri mi ofe ra.
- **Insuarensi azitasiri** –azita le 'ba alu alu azi fepi 'ba azini ri ma ofe robia amuti insuarensi dri, agu azi ngapiri ka ani drile onzi isu, insuarensi ni nga eri ofe.

Agupi ■ Oku ■ 'Ba deza ■ 'Ba ode ■ 'Ba calua ■ 'Ba tawunia ■ 'Ba azi ngapi gamete be ■ 'Ba azi ngapi yisi 'diyi ■

3) **Mi otu mi e'yo cirini**

Ika insuarensi 'du, ika tro afa avi geri ndundu si, mi avini mivele robia ri woro ku. Ecetasi, 'ba cuu-a 'diyi kaki insuarensi 'du aci ni ra, aci ka cuu ve woro, insuarensi ni robia ofe 'ba 'diyini, yini ecozu tojari e'dozu o'di ra.





Agupi ■ Oku ■ 'Ba deza ■ 'Ba ode ■ 'Ba calua ■ 'Ba tawunia ■ 'Ba azi ngapi gamete be ■ 'Ba azi ngapi yisi 'diyi ■

4) **Inda amuti ngapi mivele e'yo depi woroni i**

Amuti insuarensi vele 'diyi azakoza fe ika afa avi geri aci ma aleasi, azosi, dra si vini drile onzisi. Amuti 'diyi mini robia ofe mini ecozu afa avizu teketeke ku. Inda amuti mivele afa ofezu ika drile onzi aci ni mivele afa vezuri isu, 'ba ka mivele afa ugu, azo ka mi bi, ika 'ba azi asi motokasi kaniku ika dra ra ri ma azakozu. Inda amuti aje ni ecozu cazu mivele jeba ma alea ra ni i.

Agupi ■ Oku ■ 'Ba deza ■ 'Ba ode ■ 'Ba calua ■ 'Ba tawunia ■ 'Ba azi ngapi gamete be ■ 'Ba azi ngapi yisi 'diyi ■

5) **Inda amuti insuarensi vele azakoza mini le ri fepiri i.**

Ika amuti insuarensi veleri nda, mi oni nga e'yo azi yini ngari ma dria vini sawa yini 'du mi ofezuri ma dria, 'ba ka mivele afa ugu, mivele afa kaki yi eza kaniku 'ba azi ka dra ria. De nga

ipe ni amuti mini le ayuri ku, mi oni e'yo drinia raka. Mi eco e'yo oni amuti 'diyi ma dria engazu boloka vu, mi agiyi vu azini amuti ambu Insurance Regulatory Authority of Uganda (IRA) ru ri vu. Agupi ■ Oku ■ 'Ba deza■ 'Ba ode■ 'Ba calua ■ 'Ba tawunia■ 'Ba azi ngapi gamete be ■ 'Ba azi ngapi yisi 'diyi■

6) *Mi isu mivele azakoza insurensi veleri geri mukesi*

Ika mi otu insurensi 'duzu 'bo, mi obi e'yo 'diyi ma vuti:


- *Inda amuti insurensi ni mini ega eri mini mukeri i*
- *Mi isu 'ba amuti insurensi veleri ma cuu ndapi kaniku 'ba ni omve boloka ru ri.*
- *Mi o'yo eri 'be azakoma mini leri ma dria.*
- *Mi ece amuti insurensi velerini e'yo ada mi driari, 'bani ecozu mi azakozu.*
- *Ila waraga kilili raka de nga itini dri drinia ku. Ika e'yo azi va ku, izi 'ba azi ngapi amuti 'di ma alea 'diyi matia.*
- *Mi ofe mivile robia aje okori azakoma mini le ri isuzu*

Agupi ■ Oku ■ 'Ba deza■ 'Ba ode■ 'Ba calua ■ 'Ba tawunia■ 'Ba azi ngapi gamete be ■ 'Ba azi ngapi yisi 'diyi■

7) *Mi ai mivele ofeta mbeleru vini e'yo adasi*

Ika afa azi insurensi ma driari avi, mi ece amuti nderini coti. Mini afa mini aviri ma aroti ai ria, le mi ai enjo kokoru. Ika enzo oli mini ofeta ndaria, amuti 'di eco mi ji duani/kotia ra.

Mi ece e'yo ogu ma dria, drile onzi ma dria, vini mivele afa azi ka i eza oko de nga imuni amuti insurensi velerivu ku. Ecetasi, mivu polisi ma karatasi ecepi kini mi ece e'yo arumadri ni ra ri ka ovu yo, amuti insurensi mivileri ngani mi ofe ku. Ika vini robia azi ayu afa mini avi 'diyi ndazu kaniku aroti ofezu, imba resiti ma ta ci, 'ba ani mi ofe. Ika o'duko ji amuti mivele ri vu mbele ku, mi eco nga rasiti 'diyi avi ra.



Agupi ■ Oku ■ 'Ba deza ■ 'Ba ode ■ 'Ba calua ■ 'Ba tawunia ■ 'Ba azi ngapi gamete be ■ 'Ba azi ngapi yisi 'diyi ■

8) 'Ba ka mi azako kilili ku, mi eco yi olu ra

Amuti insuarensi veleri ka le mi ofe ku, mi olu e'yo 'di amuti alu 'dini. Kaki kiri e'yo mitiari eri ku, imu yi to-o amuti ambu IRA ruria. Mi eco vini yi too arumadri yi vu ra.



Agupi ■ Oku ■ 'Ba deza ■ 'Ba ode ■ 'Ba calua ■ 'Ba tawunia ■ 'Ba azi ngapi gamete be ■ 'Ba azi ngapi yisi 'diyi ■

2. GERI AFA ADARI ‘YEZO RI I

DRILEONZI WURA ROBIA OFEZU DRILEONZISI ANI OFETA ESUZU ‘DII NGOI YA?

Drileonzi	Tambaza drileonzisi rii	Afa tambale ‘dii
Mi avi mima azi	Robia ‘duzu akusi azini mari si	Eri mima mari ofe sawa mini nga azi esuzu kuria
Afa midri joa ‘di orodri ni esi	Alu ni yo	Alu ni yo
Mi esu drileonzi mutukari ni	Erisi ceni	Eri omiza mi mutukari dri azini afa mutukari ni le ‘dii dri vini afa midri ru ezapi te ‘dii ofe. Eri aje aro dri midri azini ‘ba azi ngapi mibe tualu ‘dii pieri ofe.
Mi agi e’de mivile akua azini nyo erima pa te	Aku e’i dri, ‘Ba fipi alenia ‘dii	Eri nga aje ambo ‘bale ra ‘di ofe aro ma aje si.
Polisi eyi mini kokobi mini nzuzu okposi azita ma drilea risi ri fe	Alu ni yo	Alu ni yo
Mi esu nyabileko azi tia	Ofeta ‘ba acopi ra azi ngapi ‘dii dri	Eri mima oya avilera aro azini aro aje aro esuzo azo siri ofe
Mio ombelekoa ri ‘ba ogu eri mivu akua risi	Aku e’i dri	Eri nga mio ombelekoa ri ofe azini jezu aje kalafe ‘bale risi
Mi draa	Tambaza drileonzi edri nirisi ani ofeta esuzo	Eri nga robia ofee ‘ba robia kaniku azakoma fepi ‘ba eyini kaniku ongulumu dri ‘dii ni
‘Ba mgbi mi afa oparia ogusi	Alu ni yo	Alu ni yo
I ‘di mi ceni	Alu ni yo	Alu ni yo
Mi ede ezata azingaza siri ani fee orodri amuti niri avizo te	Tambaza azingaza siri oyo sozasi ngazu omiza edele ri ofezu	Eri afa avile ‘di ofee kpere omgbo ‘bale risi

3. MI 'BA E'YONIPi ANGIRI ROBIA OFEZO DRILE ONZISI ANI OFETA ESUZO RI I YA?

**ZITA AVITA RURI – ROBIA OFEZA DRILEONZI SI ANI OFETA ESUZO RI
E'YO DRILEONZI ECOPI NGOLERI OFEE ?**

MI EDE ECITA 'YEKE 'DII.

1. MA ECO AZI NGAZU KU ACO SI

A) TRAVEL INSURANCE

2. MA ECEE MA ACII OLI ALEA SIR

B) HEALTH INSURANCE

3. MA JO VEE TE

4. MA ROBIA 'BAA AFA
DRILEONZIRU 'DI ALEA VINI MA
ROBIA AVI

C) LIFE INSURANCE

5. DRILEONZI SI MA 'BA AZI MA
FA EZA

D) NONE

6. a dra azini ma wa'di azini
anziyi ku geri 'bani robia esuzo
ri kokoru

E) PROPERTY INSURANCE

7. ma azo esu azini le muu arojo
ambo ria

F) DISABILITY INSURANCE

8. 'dima azi alu ni yo

G) LIABILITY INSURANCE

4. ISI MIMA OTITA ROBIA OFEZO DRILEONZI SI ANI MINI OFETA ESUZO RI

**zita mini agu robia ofezo drileonzi ngapi ru edepi ani ofeta
esuzo ri zizo ri:**

- Azita wura 'di ngoleri i? Bi afa ngoleri i? Bi a'di i?

Omgbo robia dri oferi i

- Omgbo robia dri ofele azita robia ofezo drileonzi ecopi ru edepi risi ani ofeta esuzo ri si?
- Geri ofezo ri ngoni? (robia si, 'ba enze robia 'dule omvizaru orodri pie ri alea, azi 'dii pie)
- 'Ba robia ofe azita robia ofele drileonzi ngaapi ru edepi risi ani ofeta esuzo risi ri ofee pale si? (mba alualusi, mba na vutia, eli alualusi)

Orodri niriya

- Orodri azita robia ofezo drileonzi muupi ru edepi risi ani mi ofezo rioyo soza ovuzu 'ba azita driri ru ri ngo i?
- E'yo ngapi ofeta orodri driri fepi 'dii ngo i?

'Ba orodri esupiri

- 'Ba ru sile orodri esupi riru ri a'di i?
- 'Ba 'bani eco ru ni luzo orodri esuzo ri eyi si?
- Afa azi agbari ofele ni 'ba azini ka orodriyi ofe agu orodri esupi ru ni luzo ri ka ovu mva niri? Agu kaniku amuti robia ofezo drileonzi ka mi esu risimi ofezo ri nga olu agu orodri esupi ri ni ra ya?

Zita

- 'Ba zita fe kokobi si ngoni?
- Kokobi wura 'bani le ri ngoni?
- Sawa 'bani zita fezo kokobi siri ngo i?

Atrita

- E'yo eyi edepi 'bani ru olu kile atrita yile azita 'di alea 'dii ngo i ?

Afa fepi mini fizo alenia kaniku edezo ra 'di

- Geri killi e'yo lizo 'ba azini ecozo azita robia ofezo drileonzi si ani ofeta esuzo 'di driri jezo ri ngo i?

Robia 'bani enzele omgbo mini esule ri alea ri

- Omgbo ‘bani enzele robia mini esule ri alea ri si ya?
- Omgbo ‘di ebi i ya ndundu ra ya? Eri alu ‘bani zi rile ya?
- Aje e’yo ru edepi ri dri (aje aro esuzo ri ma avita, eceta si) ka ovu robia ‘bani enzele omgbo mini esule were ndeni ri?

Sawa tezo ri

- Sawa azita ni azi ngazo ri ngo i?
- Tedi afa azi ka i ede ma be sawa mani tezo ria ri? ‘Ba azini eco orodri azini esu ra ya?

5. E’YO ADA ROBIA OFEZO DRILEONZI SI ANI OFETA ESUZO ‘DI

E’yo ofeta ofezo Efi niri drileonzi siri

Azita	Kokobi ofulee’yo azini wura robia ofezo drileonzi si ani ofeta esuzo ri ma tiecima sile si risi
Robia azi ofeleri	Robia ‘ba azita biipi rini ofee amuti robia ofezo drileonzisi ofeta esuzo ri driri azita robia ofezo drileonzi si ofeta esuzo azini tani mba ‘dani’dani
Orodriyi	Omgbo robia dri amuti robia ofezo drileonzi si ani ofeta esuzo ri ni ofee ‘ba azita bbipi ri dri kaniku erima ‘ba orodri ni esupiri i.
‘Ba orodri ni esupi ri	‘Ba robia esupi ri ofeta drileonzi siri sawa e’yo ofele ‘bo ‘di ka i ede ra risi
Zita	Zita ofeta afa avipira azita ni tani mbazo aviza si ri
Afa atrile ci ‘dii	Wura agbari kaniku e’yo ru edepi sile azita ma alea kini ‘ba mba tani ku aviza si azini azita ni ngazo orodri ofezo ku ‘dii.
Afa fepi fizo alenia ‘dii	Geriko fepi a’di eco azita robia ofezo drileonzi si ani ofeta esuzo ri jezu (ecetasi eli asizo a’di eco azita robia ofezo drileonzi si ofeta esuzo; tunisi le ‘ba ma ovu eli be 18)
Robia ‘bani enzele	Omgbo robia dri ‘ba azita biipi rini ai ofee, zita kaniku drileonzi,kalafe

woro avile robia ofezo drileonzi si ani ofeta esuzo ri. 'Ba robia ofezo eyivu drileonzi si ani ofeta esuzo 'dii geri 'di ayu drileonzi awazu eyima esele 'ba azita biipi 'dii pie azini omgbo zita enzoru 'dii omvizo.

Sawa tezo ri

Le sawa 'ba azita biipi 'dii ni tezori denga erima afa tamba aviza si rini ecazo azi ngazo. Ecetasi, azita robia ofezo drileonzi edri vu risi ani ofeta esuzo ri, tunisi sawa 'ba azita biipi 'dii kini e'dozo omgbo robia ofele ri dri fezo ri ma eselea sawaafa tambale aviza si rini ecozo azi ngazo, drileonzi 'ba 'yepi drapi rini azita jezo ri omvi